

Jurij Šram ...

(Kónc ze strony 3)

Sam je tež w mustwje wójskich jatych w tutym stadionje hrał, wězo před prózdnyimi trawersami.

Po nawróće z jatby w lěcu 1947 přizjewi so Jurij hnydom w Chróšćanskim mustwje, kotraž hižo aktiwnje na sportnišću při šuli hraješe. Župan Franc Natus jako předsyda, wobsedźer wotnožki piwarnje Pawoł Knop, rěznik Pawoł Grubert a młynk Jurij Nowak starachu so wo organizowanje hrow, ale tež wo materielne zawěšćenje mustwa, štož njebě w přénich lětach po wójnje scyła tak jednore.

Jurij Šram so dopomina, kak je Nowješčan Jurij Nowak w Kamjencu kožany bul a někotre kopački za dobrou pšćenču muku wobstaral.

Z Chróšćic samych hrajachu w tehdyšim mustwje, kotraž chcyše Franc Natus na „Rapaki“ wukřčić, nimo Jurja Šrama Jan Brězan, Jan Just, Jan Córlich, Jurij Knop a přesydlenc Siegfried Herrmann. Ze susodnych wjeskow běchu to Bjarnat Krječmar z Hatow, Jurij Nowak (Młynk) z Noweje Wjeski, Jan Misala a Jan Lehmann z Worklec, Bjarnat Nowak z Kozarc, Walter Adam z Wudworja, Jurij Wrobl a Jurij Žur z Wotrowa kaž tež Willy Wawry z Jawory.

Tehdy hraješe so hišće w formaciji z dwěmaj škitarjomaj, třomi běharjami a pjec nadběhowarjami. Jurij Šram hraješe w Chróšćan mustwje přeco na poziciji lěwego běharja.

Na domjace hry, kotraž so zwjetša njezdělu popoždnu po nyšporje wotměwa-



Někotři hrajerjo Chróšćan mustwa. Druhi wotlěwa: Jurij Šram

chu, přichwata husto wjac hač tři sta ludźi, mjez nimi mnohe žony w narodnej drasće. Hry stejachu za tehdyši čas na dosć wysokim techniskim niwowe. Přeciwo sylnym mustwam z Hlinowca, Halštrowa, Kamjenca, Kinsporka, Ralbic a Kulowa dóndže zwjetša k napjatym rozestajnam. Jónu so Chróšćanam samo poradzi sławnu Slawiu Radwor přewinyc.

Na wonkowne hry, tak so Jurij dopomina, jězdžachu zwjetša z kolesom. Jenož do zdalenišich wswow kaž Kinsporka abo Kulowa jězdžechu z ně-

kajkim nakładnym awtom abo „buldogu“ z připo- wěšakom.

Jónu w zymje su na wotewrjenym nakładnym awće - ležo z přikrywami zawoždžěci - hač do Kulowa jěli.

Dokelž młodostni wot župana namjetowane mjeno „Rapaki“ wotpokazachu, dojednachu so do zaběha dypkowych hrow 1948 w Bjeňšec (pozdžišo Bjenadźic) hosćencu na mjeno „Sonja Chróšćicy“. Tam dostachu tehdy tež nowu žoltomódrú koparsku drastu. **L. Zahradnik**

SOKOŁSKE LISTY



24 volleybalowych mustwow nastupi k jubilejnemu turněrej.

Pokal Domowiny do Choćebuza

Wjac hač 200 volleyballistow nastupi sobotu, 2. měrca 2002, w sportowej hali na Trělnišću w Budyšinje k jubilejnemu sokołskemu turněrej w pokal Domowiny. Ze zahoritoscu wojowachu hrajerjo mjez 16 a wjac hač 60 lětami wo dobyće. W běhu sydom hodzin přewjedže so cyłkownje 88 hrow. Zwjeselace bě, zo mějachmy přiběracu ličbu młodych hrajerjow - w mustwach Budyškeho Serbskeho gymnazija runje tak kaž w zastupnistwach młodžinskih klubow z Radworja, Hórkow abo Worklec. Najwjetše ludosportowe zarjadowanje w Serbach měješe ze 24 mustwami přewšo bohate wobdźělenje. To žadaše sej wot organizatorow dosć džěla. Bjez samowalby móžemy prajić, zo smy wšo derje zmištrowali. Džak słuša tohodla člonam předsydstwa Serbskeho Sokola a dalšim pomocnikam, wšěm zasadženym džesać sudnikam a nic na kóncu wšěm mustwam za wobdźělenje a wuběrnú disciplinu. Wo sportowych wuslědkach poskićimy na 2. stronje tutoho wudaća dokładny přehlad wšěch hrow - wupokazane su wše hry a zaměstnjenje wot přénjeho hač do 24. městna. Pokalny dobyćer bu zaslužbnje młodžinske mustwo Sokola Choćebuz, kiž je z tym hižo štwórtý raz wuspěšne. Po mytowanju dobyćerjow móžeše starosta Serbskeho Sokola Achim Kowar z połnym prawom zwěsćić, zo smy wšitecy dobyli. Starosta přepróšuje wšěch serbskich volleyballistow hižo nětko na přichodny 21. turněr.

Hačrunjež bě so turněr poradził, su tola dalše polěpšnja, změny móžne. Namofwjamy tohodla mustwa abo jednotliwcow, zo bychu předsydstwu Sokola namjety za hišće lěpše přewjedzenje turněra posrědkowali. **J. Šwon**




Dobycerske mustwo Sokol Choćebuz-młodžina

Foće: SN/M. Bulank

140 lět

ČSs



M. Tyrš a J. Fügner, založičej Sokola (horjeka)

Skupina čelozwučowarjow w Praze w lěcu 1862 (naprawo)

čěški SOKOŁ



